

Վրացիները հակառակում էին, որ Վրաստանի հայ հին բնակիչները դառնան հայահարմարակ: Նոյն խորհրդաժողովում նորից քննեց և չլուծեց սահմանների խնդիրը. այս անգամ վրացիները պահանջում էին Լոռին մինչև Սանահին, ամբողջ Ախալքալաքի դաւառը, Արդահան և Օլթի դաւառների որոշ մասերը: Հայաստանի և Վրաստանի միջև կնքեց դատական համաձայնութիւն և 1919 թւի թրանզիտի օրէնքը լրացեց բացատրութեամբ, որով ռազմանիւթն էլ փոխադրելու էր սովորական ապրանքների պայմանով: Մինչև այդ վրացիները արգելքներ էին յարուցանում և, օրինակ, Հայաստանի համար Ղրիմից «Ֆենիկս» նաւով եկած 3 միլիոն փամփուշտը բաց թողին միայն 30%ը ստանալուց յետոյ:

Օգոստ. 2 Պորհրդարանի նիստում Հայաստանի ներքին շինարար աշխատանքը նիւթ դարձաւ վարչապետի ընդարձակ դեկլարացիան: Այդ նիստում, Սոց.-Յեղափ. Կուսակցութեան Հայաստանի կազմակերպութիւնը յայտարարեց, որ ինքն այլևս ճանաչում է Հայաստանի անկախութիւնը: Պատգամաւոր Ա. Պոնդկարեանը արաւ հետևեալ յայտարարութիւնը.

«Մեր պատգամաւորութիւնը Եւրոպայում միշտ խօսում էր եւրոպական պետութիւնների մանդատի մասին, իսկ այսօր քաղաքական պայմաններն այնպէս են դասաւորուած, որ ժամանակ է յայտարարել, թէ մեր պետութիւնը պիտի ապրի ինքն իր ուժով: Այսօր, սակայն, ռուսական օրիէնտացիան նոյնպէս դործնական օգուտ չի տալիս մեր պետութեան՝ թէ Անդրկովկասում ստեղծուած դրութեամբ և թէ իր ներկայ իդէոլոգիայով: Եւ ես պարտք ունեմ յայտնելու այստեղ սոցիալիստ-յեղափոխական Փրակիայի կողմից, որ մենք եկած ենք այն համոզման, որ Անդրկովկասի դեմոկրատիան պիտի ապրի ինքն իրեն անկախ: Իւրաքանչիւր ոյժ, որ դէմ կը դնայ այդ շահերին, կը դիտուի նոյնպէս թշնամի, և մենք դէմ պիտի դնանք նրան»:

Զգոյշ ու վարանոտ՝ հայ սոցիալիստ-յեղափոխականներն ևս դալիս էին կանգնելու Հայաստանի անկախութեան տեսակէտի վրա, և Պորհրդարանը բուռն ծափերով ու բացականչութիւններով ողջունեց նրանց այդ քայլը: Այսպիսով, այսուհետև Հայաստանի բոլոր քաղաքական հոսանքները, բացի բուլշևիկներից, կողմնակից էին անկախութեան:

Հայաստանի բնակիչներից ոչ պակաս խանդավառ Հայաստանի անկախութեամբ ոգևորւում էին և Հայաստանից դուրս գտնւող հայերը, որնցից շատերը բուռն կերպով ձգտում էին տեղափոխել Հայաստան: Կառավարութիւնը անհաշիւ համախօսականներ ու դիմումներ էր ստանում, պատգամաւորութիւններ ընդունում՝ Թուրքեստանից, Հիւսիսային Կովկասից, Դոնի շրջանից, Մոսկւայից, Սև ծովի եզերքներից, Բալկաններից, Միջագետքից, Պարսկաստանից, անգամ Արժանթինից, որոնք խնդրում էին փութացնել ներգաղթը: Ծատերը արտօնութեան էլ չէին սպասում. վերջացնում էին իրենց դործերը, ծախում-ծախծխում ունեցածը և շտապում Հայաստան: Ծատերին յաջողեց հասնել, ոմանք մնացին ճանապարհին, շատ շատերն էլ իրենց տեղերում, մեկնելու պատրաստ վիճակի մէջ: Երևանը հետզհետէ դառնում էր համահայկական քաղաք: Մի ճամբորդ